

Centro di Famia di Criansa Arubano celebrando di 2 lustro

ORANJESTAD – Ya ta 10 aña caba cu Centro di Famia di Criansa Arubano ta existiend, brindando ayudo na muchanan haya un bon formacion familiar. Hopi a wordo logra, pero sinembargo tin un scarsedad di famianan di criansa.

Nathalie Tromp, trahado social na e centro, ta splica cu e meta pa lanta e fundacion primordialmente ta pa haya famianan di criansa, ya cu continuamente mester di famianan di criansa pa e muchanan cu sea ta den internaat of esunnan cu pa un motibo of otro no por keda den nan mesun cas.

E comienso

Tempo cu a dicidi di lanta Centro di Famia di Criansa Arubano, tabata tin ya caba diferente instancia y cada un di nan tabata traha riba nan mesun manera y tabata duna diferente guia na e famianan cu tabata tin e tempo ey nan. Tambe tabata ripara hopi scarsedad cu tabata tin pa famia di criansa. Desde cu a lanta Centro di famia di criansa Arubano, ta trahando mas enfoca pa haya e ora eynan mas famia di criansa. Awor aki den tur e añanan aki tin varios famia di criansa y tambe ta purbando di haci cuidu di criansa continuamente mas conoci den comunidad, Tromp a splica.

Hopi famia a cay afo

E cantidad di famia di criansa ta varia. Awor aki tin un total di 72 famia. Den nan ainda tin famianan cu tabata tin mas prome. E cifra tabata mas halto pero e famianan aki no ta hayando guia mas di Centro di famia di criansa. Debi na esey nan no ta den e cifra. Tambe tin famianan cu a yuda y cu pa un motibo of otro a cay afo.

Un mucha pa famia

Tin mester constante di famianan di criansa. Una bes cu un famia cuminsa yuda cu un mucha, no por ubica un otro mucha den e famia eynan. Esey ta nifica cu tin mester di un otro famia pa e proximo mucha cu bin. Awor aki e centro di scarsedad tremendo pa famianan di criansa pa muchanan di edad mas halto. Hopi hende ta pensa cu nan ta bin y nan ta acerca pa muchanan chikito. Nan ta pensa cu nan por wordo maneha mas facil na unda cu muchanan di edad mas halto

e ta un tiki mas dificil y esey ta berdad. Pero no ta kita cu e grandinan tambe kier pertenece na un famia y nan tambe merece di conoce un bida familiar stabiel.

Dificultad

E centro a haya diferente yamada, y segun Tromp, personanan cu tabata interesa pa cria un mucha. Sinembargo ta keda dificil pa haya un famia di criansa. Hopi famia no ta compronde cu cuidu di criansa no ta adopcion. Ta algo temporario cu tempo por wak e ora ey si e mucha ta keda den e famia di criansa of si e ta bay bek cerca e mayor y esey ta haci e dificil pa haya un famia di criansa.

Diferencia entre cuidu temporal y adopcion

Mas tanto e famianan ta kere cu una bes cu un mucha biba bao di nan, ta nan yiu. Hopi famia tin e deseo of ta wak cu ta haci tanto esfuerso pa e mucha, lo ta desea pa e mucha keda cerca nan. Pero no ta tur ora esaki ta posibel. Tin biala ora cu instancianan ta ripara cu e mayornan nan situacion ta bira mas mihor, e ora nan ta tuma e decision pa e mucha bay bek. Tin biala e ta keda den man di hues. Hues e ora tin cu dicidi si e mucha ta keda cerca e famia di criansa of si e ta bay bek cerca e mayor.

Cuidu pa muchanan mas grandi ta keda dificil

E cantidad di mucha cu e centro tabata tin, mayoria no a wordo yuda, pasobra ta muchanan riba 10 aña. Tin un scarsedad enorme pa famianan pa muchanan mas grandi, manera menciona anteriormente. Hopi famia ta pensa cu muchanan di edad mas grandi ta forma caba of cu nan tin comportacion, nan ta mal cria, nan ta mala mucha y esey ta algo cu tin di compronde. E muchanan aki cu ta mas grandi, a pasa den e situacion na cas pa un temporada mas largo. Nan no a kies pa e situacion akinan. Nan a haya nan mes aden dor di e mayornan na un manera di bisa. E cos ta e ora cu nan ta desaroya un comportacion pa nan por defende nan mes den e situacion cu nan tabata aden. Ora cu nan bay cerca un famia di criansa, nan mester di un temporada pa nan adapta na un comportacion nobo. E ta tuma su tempo. Tin famia cu ta pensa cu no ta bay asina lihe. Cu esfuerso y dedicacion ta bin cambio. Si



tur hende pensa cu no por, e ta dificil, no tin e tempo, e ora e mucha lo keda den e internaat y ora cu e tin 18 aña e ta sali den comunidad sin a conoce un bida familiar stabiel.

Documentario

Ta keda un meta pa keda haci centro di famia di criansa Arubano conoci den comunidad. Tambe kico ta ripara cu sinembargo cuidu di criansa no ta conoci den nos comunidad, dicen e ta importante. Ta p'esey danki na ayudo di diferente patrocinado, e centro a logra bin

cu un documentario traha na man di e reconoci Rene van Nie. E documentario aki yama "Cuido di criansa: algo pa bo?". Na unda ta trece e trabao di cuidu di criansa dilanti, kico e ta, famianan di criansa ta papia aden. Tambe tin profesionalnan cu ta papia riba cuidu di criansa. Ta algo na unda cu kier pa pueblo di Aruba wak y nan compronde e mensahe cu yuda un hende ta diferente cu kier keda cu un hende. Tambe cu cuidu di criansa ta keda un necesidad den nos comunidad y tin mester di famia cu kier yuda

muchanan.

Centro mester di sosten

Pa tuma contacto cu Centro cuidu di famia di criansa Arubano, via nan adres den George Madurostraat 34. Nan number di telefon t5a 5820088 of 5820089. Nan tin un pagina di facebook cu ta CSCA Aruba y nan tin un e-mail adres cu ta cscas@se-tarnet.aw.

E centro tin mester di sosten. Awor cu nan ta haciendo nan di 10 aña di existencia, ta algo cu nan kier celebra hunto cu e famianan di criansa. Ta algo sinembargo duro, mirando cu e situacion economico di e fundacionnan no ta manera antes. Debi na esey ta tiki dificil pa por celebra cu e famianan di criansa registra bao di e centro. Donacionnan ta keda un manera pa yuda e centro yega na e meta aki. Esey lo ta hopi bon bini, Tromp a finalisa. □